



Pepa kin Melele ko Remool kin Kajiriri im Bok Eddo

Jinoim

Kajiriri im Bok Eddo ej juon ortar eo jen jikin ekajet eo nan juon armej (nae etan rikajiriri im ribok eddo), lelok nan armej in eddo ioon juon armej (armej eo aikuij rilale). Nan bok maronin kajiriri, emaron etal nan rikajiriri eo eddo ioon armej eo aikuij rilale nan men ko mweien, armej eo make, ak aolepeer.

Komalim

Nan bok maron in kajiriri, armej eo aikuij rilale ej aikuij majno. Melelein bwe armej eo aikuij rilale ej aikuij wor joreen ilo enbwinin (joreen in komalij), erumij an kolmenlokijen, elap an kojerbal men ko rekajoor, ak ewor an bar naninmej im ej komman bwen jaje make kejbarok ajmour eo an, aenemman im jokane eo an, ak elap an joreen kin an ejjelok jeen. Emaron bar iwoj maron in kajiriri nan eok elane armej eo aikuij rilale ej ajri im ejanin maron pojak in make lale. Pepa in kin melele ko remool ej lukkin kalikar nan kajiririki juon armej eo 18 iio dettan lonlok.

Jikin ekajet eo enaaj kommane kalet ko elane armej eo aikuij rilale emaron make lale ak jeen ko an im men ko mweien. Kakure jeen ko an juon armej ej komman bwe ren jab lewaj maron in am kajiriri.

Ro uwaan baamle eo ekkar aer kajjitok aer kajiriri, ak kajiriri ej aikuij komman jen juon ritto eo ekonaaan.

Juon rikajiriri emaron jabdewot armej eo im edelon ilowaan men kein:

- juon eo ej jokwe ilo state eo
- 18 iio dettan lonlok
- emman an kolmenlokijen
- ejanin kar lon ruon ilo kien

Department of Human Services, juon kooboreijen, ak juon bank emaron bar einwot juon rikajiriri.

Menin Kabojrak ko

Rikajiriri eo ejjab maronin kommane ta ko rekonaan ippen armej eo aikuij rilale ak kin men ko mweien armej eo ej lale. Eddo eo an rikajiriri eo ej kejbarok armej eo aikuij rilale im men ko mweien. Juon rikajiriri ej aikuij baele juon pitijen ilo jikin ekajet eo im bok malim ilo leta mokta jen an komman kalet ko, einwot kabojrak an armej eo takto, kabojrak maron ko an jinen im jemen, im kamo an armej eo aikuij rilale ebok an laijen in ettor.

Juon alen ilo juon iio, rikajiriri eo ej aikuij komman ripoot nan jikin ekajet eo kin armej eo aikuij rilale. Armej eo aikuij rilale emaron liakelok rikajiriri eo an im ejjab kejbaroke ak men ko mweien.

Bok Maron in Kajiriri: Jilu Buntan ko Pitijen

Pitijen eo ej bael ilo jikin ekajet eo an jikin eo ilo armej eo aikuij rilale ej jokwe ie. Armej eo aikuij rilale ej aikuij jela kin pitijen eo, juon kojella kin ien keronjake eo, im ej aikuij jela kin jimwe im maron ko an.

Etale

Elane ejjelok menin etale jen jikin jerbal ko ekar komman ilowaan 6 allon kin ien keronjake eo, jaj eo enaaj ortare juon etale bwen bok jikin. Juon takto, psychologist, ak social worker emaron kommane etale in. Tiim in ej etale mour eo an armej eo aikuij rilale im ripoot nan jikin ekajet eo.

Keronjake eo

Ilo ien keronjake eo, armej eo aikuij rilale ewor an maron nan an wor an loer nan kwalok kein kamool ko an, iakweleel nane, im wor juon rijerbal eo epojak nan kwalok kamool in etale eo kin mour eo an.

Elane jaj eo ej lo eke armej eo aikuij rilale elukin majno, innem jaj eo enaaj loe wawein an majno armej eo aikuij jipan. Jaj eo enaaj bar lale elane ewor men en remaron bar kommane nan jipan armej eo aikuij jipan ijelokin kajiriri. Elane ejjelok men en remaron bar kommane, jaj eo enaaj ortare juon kajiriri nan armej eo aikuij rilale.

Jaj eo enaaj kommane juon ortar nan rikajiriri eo. Ortar in enaaj komeleleiki ta ko rilale eo emaron im jab maron kommane ippen armej eo aikuij rilale im men ko mweien. Kulook eo an jikin ekajet eo enaaj lelok "leta in kajiriri eo" nan rilale eo. Leta kein rej leta ko rilale eo ej lelok nan armej ro jet ke e emaron kejbarok armej eo aikuij rilale im men ko mweien.

Kabojrak Kajiriri eo

Kajiriri eo emaron bojrak kin elon un ko, ekoba:

- armej eo aikuij rilale emaron mej ak emakit jen state eo
- jaj eo ej loe ke armej eo aikuij rilale emoj an ajmour
- jaj eo ej loe ke kajiriri eo ejako an armej eo aikuij rilale aikuij



Kalet ko

Kajiriri ko elap wonaer im elap jerbali. Kajiriri ej bar melele in ke armej eo aikuij riale ej luuji aolepen maron ko an nan kejbarok e make. Ewor bar jet ial ko nan jipan armej kejbarok er make ak aikuij ko aer ilo aer jab aikuij kajiriri. Menin ekoba:

Maron nan Kommani Jerbal ko an Juon Armej

Maron nan Kommani Jerbal ko an Juon Armej ej juon pepa eo im juon armej (nae etan burinjibol) emaron lelok nan juon armej eo eleke (nae etan ajen). Maron nan Kommani Jerbal ko an Juon Armej ej komalim an ajen eo komman kalet ko kin an burinjibol eo takto ak kommane jermal ko an ikkijeem.

Aolep ien, Maron nan Kommani Jerbal ko an Juon Armej ej bojrak elane burinjibol eo eban maron komman jabdewot. Ijoke, elane Maron nan Kommani Jerbal ko an Juon Armej elap an "kankan", innem enaaj emman jekdoon ne burinjibol eo emaron maron komman jabdewot.

Maron nan Kommani Jerbal ko an Juon Armej eo im ekankan ekka aer komman elane juon armej epad ilo jikin takto ak ejjab jimwe an kolmenlokijen. Armej eo ej aikuij jimwe an kolmenlokijen elane ej jaini Maron nan Kommani Jerbal ko an Juon Armej nan an jermal pepa eo.

Emman ko an Maron nan Kommani Jerbal ko an Juon Armej jen Kajiriri rej:

- burinjibol eo ewor an maron in kalet won eo ej lelok Maron nan Kommani Jerbal ko an
- burinjibol eo emaron kabojrak Maron nan Kommani Jerbal ko an jabdewot ien
- kojlab aikuij etal nan jikin ekajet eo nan am bok juon am Maron nan Kommani Jerbal ko an Juon Armej
- jikin ekajet eo ejjab aikuij bok jikin nan kommane jermal in
- edik wonen

Lale jeen an juon ajri ak rimajno

Lale jeen an juon ajri ak rimajno ej komman elane juon armej ej komalim bar juon armej nan lale men ko mweier ilo aer jab majno im naninmej. Menin ej einwot kajiriri ilo balontier. Bunton jerbale menin ej einwot bar kajiriri. Oktak eo wot ej ejjelok etale, jermal ko nan kommane menin ekkar an dik wonen.

Jemlok ilo an juon armej mour wot

Juon armej ewor an jimwe nan kommane juon leta, nae etan Jemlok ilo an juon armej mour wot, im ej kwalok konaan ko aer kin depij wot ak kabojrak aer takto. Pepa eo rej pad nan am kanne im lelok nan takto eo am.

Jemlok ilo an juon armej mour wot enaaj jino bok jikin elane takto eo ej komalet ke:

- elap am naninmej
- ejako am komman kalet ko
- emoj am lukkin majnolok

Jemlok ilo an juon armej mour wot enaaj jermal wot nan kalet ko kin takto. Ejjab lukkin juon moolin "jemlok" im eban komman jemlok ko kin ta ko raikuij bok jikier kin men ko mweiom alikin am jako.

Pepa in kin Melele ko Remool ej ippen doon in ijokein Center for Arkansas Legal Services im Legal Aid of Arkansas, Inc. Jikin jermal kein rej lewaj jipan ilo ejjelok wonen nan armej ro ilo Arkansas im remaron bok jipan im topar jeen kein, men aurok kein, ak bunton ko jet. Jipan kin jermalin pepa kein emaron koba kapiloklok, jermal ekadu im mokaj, ak lukkin jermal in jutak ikkijeem ekkar nan kain aikuij ta eo am. Nan melele ko rellaplok kin menin jipan in ilo Arkansas, jouj im etal nan arlegalservices.org. Nan melele ko rej kaiooklok wot Jermal in Jipan kein ilo Arkansas, Inc., etal nan arlegalaid.org. Abbulae nan jermal kein ilo onlain ak kurluk 1-800-9-LAW-AID (1-800-952-9243).

Melele im pepa kein kin kakien in pepa in kin melele ko remool ejjab aikuij pad ilo pepa in kapiloklok ko. Pepa in kin melele ko remool ej pad nan juon menin jipan eok melele ewi wawein an jet jermal in kakien jermal ilo jabdewot ien. Jikin ekajet eo emaron oktak an komeleleiki kakien eo. Mokta jen am kommane jermal eo, kenono ippen loer eo im loor naan in kapilok eo an. Aolep ien kommane ta ko jikin ekajet eo ej ba kwon kommane.

***Pepa in ekar komman jen:
Legal Aid of Arkansas, Inc.***

Ekar kokaal ilo March 2017